



Statens vegvesen

Statsforvaltaren i Vestland
Statens hus
Njøsavegen 2
6863 LEIKANGER

Behandlande eining:
Transport og samfunn

Sakshandsamar/telefon:
Ingelin Garen / 55516345

Vår referanse:
21/37761-2

Dykkar referanse:

Vår dato:
19.03.2021

Statens vegvesen trekkjer motsegn til detaljreguleringsplan for Fossesjøen – Alver kommune

Vi viser til brev frå Alver kommune, dagsett 25.02.2021. Kommunen ber om avklaring knytt til motsegna Statens vegvesen fremja i 2019 til detaljreguleringsplan for Fossesjøen. Motsegna var knytt til at rekkefølgjekrav i reguleringsplanen ikkje tok hand om trafikktryggleiken i stor nok grad, verken for born på skuleveg eller for biltrafikken.

Etter det vi kan sjå er planframlegget no endra i tråd med Statens vegvesen si motsegn. I reviderte planføresegner § 2.11 pkt. 9 er det innarbeida rekkefølgjekrav med følgjande ordlyd:

«Før det kan gjevast igangsetjingsløyve for nye bustadar innanfor BFS01–BFS03, BKS01–BKS10 og BBB01–BBB03 skal Fossekyrset med til høyrande gangveggar vere opparbeidd slik det er regulert i plan for Fv.245 Fosse–Moldekleiv, planid 20160012, samt at det skal vere etablert trygt tilbod for mjuke trafikantar langs Sagstadvegen fram til Sagstad skule.»

Tilbodet for mjuke trafikantar langs Fv.5380 (tidlegare Fv. 244) Sagstadvegen er regulert i vedteken reguleringsplan «*Detaljregulering fv. 564 Frekhaugkyrset, inkl. utbetring av fv. 244, PlanId125620170003*». Denne planen viser gang- og sykkelveg som det regulerte tilbodet langs Sagstadvegen.

Føresegna i plan for Fossesjøen omtalar «eit trygt tilbod for mjuke trafikantar» Dersom det skal etablerast noko anna enn det som er regulert vil dette krevje dispensasjonshandsaming i eigen prosess og kommunen bør derfor vurdere om ordlyden bør presiserast ytterlegare i føresegna slik at det ikkje oppstår mistydingar i samband med framtidig sakshandsaming.

Etter Statens vegvesen si vurdering er våre merknader til planframlegget svart ut og vi ber med dette Statsforvaltaren i Vestland om å trekkje motsegna vår i saka.

Transport vest, Transportforvaltning
Med helsing

Frode Moen Aarland
seksjonsleiar

Ingelin Garen
senioringeniør

Dokumentet er godkjent elektronisk og har difor ingen handskrivne signaturar.

Kopi
ALVER KOMMUNE, Postboks 4, 5906 FREKHAUG
VESTLAND FYLKESKOMMUNE INFRASTRUKTUR OG VEG BERGEN, Postboks 7900, 5020
BERGEN